

影刊宋金元明本詞

第三二册

蘇子卿學

PDG

渭川居士詞目錄

沁園春

醉桃源

三首
即阮郎歸

蝶戀花

六首
即鳳樓梧

長相思

三首

浣溪沙

二首

清平樂

二首

促拍滿路花

謁金門

八首

南鄉子

二首

減字木蘭花

瑞鶴仙

五首

滿江紅

十首

江城子

二首

滿庭芳

卜算子

二首

瑞鷓鴣

二首

感皇恩

臨江仙

好事近 二首

鵲橋仙

木蘭花慢 五首

柳梢青

鷓鴣天 五首

點絳脣 五首

魚遊春水

霜天曉角

虞美人 三首

菩薩蠻 二首

南歌子

八聲甘州

如夢令 三首

西江月

漁家傲 三首

杏花天

渭川居士詞

呂勝己 季克

沁園春

月晃虛窗風掀斗帳曉來夢回見滿川驚鷺長
空瑞鶴聯翩來下翔舞徘徊旋放金盤承積塊
更輕撼瓊壺撩凍漸氎幃小近寶爐獸炭沉水
蘭煤寒威酒力相欺薦綠蟻霜螯左右持問
歲歲禎祥如何中斷年年梅月因甚愆期上紺
碧樓城高百丈看白玉虬龍奔四圍紛爭罷正
殘鱗敗甲天上交飛

醉桃源 即阮郎歸

山翁可是愛登臺看雲日幾回恨無語似謫仙
才空教雲去來 思往事引深杯長歌感壯懷
霜風晚下掃陰霾天心寶鑑開

又題清暉閣

馬蹄西路賞春妍重來十五年好山如帶水如
環紅樓罨畫間 人易老景如前停杯俯逝川
歸舟回首望雲煙秦人隔洞天

又

去年手種十株梅而今猶未開山翁一日走千

迴今朝蝶也來 高樹杪暗香微慳香越惱懷
更燒銀燭引春回 英英露粉腮

蝶戀花

牆角栽梅分兩下 夾竹穿松巧傍柴門亞不似
西湖明月夜 展開一片江南畫 老子尋芳心
已罷爲愛孤高結約如蓮社 清淨界中觀物化
憧憧門外馳車馬

又 一名鳳樓梧
長沙作

天際行雲紅一縷 無盡青山江水悠悠去更上
層樓憑遠處 淒涼今古悲三楚 心事多端誰

共語酒醒愁來望望家何所薄宦漂零成久旅
天涯却羨鴻遵渚

又觀雪作

姑射真仙蓬海會馭氣乘龍作意遊方外冬後
剪花飛素綵臘前墮璞拋團塊
幕幕絲雲相映帶川谷林巒混一乾坤大白玉裝成全世界
江湖點染微瑕類

又

長沙送同官
先歸邵武

屈指瓜期猶渺渺羨子征鞍去上長安道到得
故園春正好桃腮杏臉迎門笑
聞道難兄登

顯要鴈字雲霄花萼應同調舊恨新愁須拚了
功名趁取方年少

又

眼約心期常未足解后今朝暫得論心曲忽墮
鮫珠紅軟軟雙眸剪水明如燭可恨匆匆歸
意速去去行雲望斷懷心目何似當初情未熟
免教添得愁千斛

又

霰雨雪詞

天色沉沉雲色赭風攬陰寒浩蕩吹平野萬斛
珠璣天棄捨長空撒下鳴鴛瓦玉女凝愁金

闕下褪粉殘粧和淚輕揮灑欲降塵凡飈馭駕
翩翩白鳳先來也

長相思

體夭夭步飄飄綬帶金泥縷絳綃瓏璫趁步搖
淺霞消兩峯遙斜插層樓金繫腰花羞人面嬌
又 倣南唐體

展顰蛾抹流波並插玲瓏碧玉梭鬆分兩髻螺
曉霜和凍輕呵拍罷陽春白雪歌偎人春意多
又 探梅摘歸

冒寒吹訪瓊姬行到青山遇玉肌凝情欲待誰

出踈籬手同携踏月隨香清夜歸乘歡撥凍醅

浣溪沙

淺著鉛華素淨粧翩躚翠袖拂雲裳傍人作意
捧金觴曲度清悲雲冉冉花飛零亂月茫茫
夢回人去似高唐

又

直繫腰圍鶴間霞雙垂項帕鳳穿花新粧全學
內人家惠性芳心誰得似饒嗔惡也還他
只消凡事與饒些

清平樂

紅塵久住仙馭凌波去本似行雲無定處那更
臘殘風雨 瑤芳片片輕飛但留青子欒枝孤
負歲寒幽意如今却與春宜

又 詠木犀

靈心暗屬髻壘黃金粟寂靜虛堂情不足微步
徘徊山麓 藥珠宮裏新粧生香全似瑤芳應
為鴛花留戀人間暫歇鸞凰

促拍滿路花 瑞香

名花無影迹寒氣日淒涼人間千萬樹歇芬芳
紫微宮女仙馭降霓裳名在仙班簿不屬塵凡

洞天密鎖雲窗 遺璫連寶珥人世識天香凝
寒承雨露傲冰霜凌波仙子解后水雲鄉更約
南枝友遊遍江南共歸三島扶桑

謁金門

聞鶯聲作

花滿樹兩箇黃鸝相語恰似碧城雙玉女對歌
還對舞 可惜娟娟楚楚同伴綵雲歸去居士
心如泥上絮那能無恨處

又

嗟久客又見他鄉寒食流水斷橋春寂寂孤村
煙火息 白去紅飛無迹千樹總成新碧醉裏

傷春愁似織東風欺酒力

又

芳思切舊事不堪重說濃露凝香花噴血花心
雙蛺蝶 燕語鶯啼都歇又過清明時節記得
離歌三兩闌未歌先哽咽

又

春又過那更雨摧風挫留得淺紅三兩朶竹梢
煙霧鎖 把酒對花危坐多病多愁都可舞蝶
遊蜂迷道左惜春忙似我

又

秋夜靜屋上狂風初定兩兩啼蛄相答應燈蛾
搖燭影枕上雞聲遙聽起舞良宵偏永明日
謾尋弓劍整衰顏重攬鏡

又早梅

芳信拆漏洩東君消息帝殿寶爐煙未熄龍香
飄片白點綴枯梢的皪踈影蕩搖寒碧指與
纖纖教自摘枝橫雲鬢側

又

天氣暖開了荼蘼一半紅日遲遲風拂面堦前
花影亂俊雅風流不見定被鶯花留戀千尺

游川卷三
遊絲舒又罥繫人心上線

又

歌罷奏斂步拂開羅袖寶扇輕搖香汗透軟香
沾素手小立偎人良久一寸嬌波橫溜心事
未言眉已皺無端催勸酒

南鄉子

斗笠棹扁舟碧水灣頭放自流盡日垂絲魚不
上優游更覺心鬆奈得愁行客語滄洲笑道
漁翁太拙休萬事要求須有道何由教與敲針
換曲鉤

又

縱棹越溪船破浪衝濤到碧灣種就長堤千畝
竹無邊插玉屯雲滿渭川平日樂歸田不戀
榮華不慕仙得箇容身棲隱處寬閑每日江邊
理釣竿

減字木蘭花

煙雲變化面面青山如展畫俯對平川野水煙
村遠接天有時縱目景物繁華觀不足月下
風頭一曲清謳博見樓

瑞鶴仙 栽梅

南州春又到向臘盡冬殘冰姑先報苦心愛春
早露生香馥馥靚粧皎皎詩人最巧道竹外斜
枝更好旋移根引水澆培松竹湊成三妙回
首當年客裏荆棘途中幸陪歡笑閑愁似掃記
風雪關山道待飄花結子和羹煮酒還我山居
送老那青紅浪蘂浮花盡鋤去了

又嘲博見樓

倚闌觀四遠近有客登臨故相磨難山形欠舒
展小峯巒雲樹晦明更變江淮楚甸又何曾分
明在眼但臨深自覺身高未可便名博見休